

散曲叢刊
第一二種

樂府羣玉

冊二

711.5
S2204

4

經世文獻卷三

三

類聚名賢樂府羣玉卷之三

陳德和樂府

落梅風

雪中十事

貧兒翳桑

茶烟細。酒力微。都不索比評風味。翳桑兒悄聲私自提省。可裏臘前呈瑞。

謝女比絮

騷人謝女論吟雪。飄時絮飛還恁。七言句兒誇到今。偏梨花比他爭甚。

袁安高臥

身貧暴志趣高。羨袁安那時清操。縱如今閉門僵睡。

著道是儘教他忍寒千傲。

陶穀烹茶

龍團細蟹眼肥。竹爐紅小窗清致。試烹來是覺風韻美。比羊羔較爭些滋味。

浩然騎驢

窮東野忒好奇。凍得來戰欽欽地。待吟詩滿前都是題。偏則麼灞橋驢背。

李愬擊鵝

翻銀漢。戰玉龍。遍乾坤。似粉粧胡洞。擊鵝羣亂軍成了大功。全不道藍關路馬蹄難動。

孫康映雪

無燈蠟雪正積。想孫康向學勤力。映清光展書讀較畢。待天明困來却睡。

游楊侍立

立來倦。睡未足。覷門前雪深迷路。師父覺來遲半步。
忍不得也索回去。

泛剡王猷

乘雪夜。訪故人。剡溪冰短篷難進。凍歸來怕人胡議
論。強支吾道興來還盡。

寒江釣叟

寒江暮。獨釣歸。玉蓑披滿身祥瑞。他道縱如圖畫裏。
只不如銷金帳暖烘烘地。

徐甜齋樂府

紅錦袍

失題

四首

那老子愛清閑主意別。釣桐江江上雪。泛桐江江上月。君王想念者。宣到鳳凰闕。想著七里漁灘。將著一鉤香餌。望著富春山歸去也。

那老子陷身在虎狼穴。將夫差仇恨雪。進西施謀計拙。若不早去些。鳥喙意兒別。駕著一葉扁舟。披著一蓑烟雨。望他五湖中歸去也。

那老子見高皇斬了蛇。助蕭何立大節。薦韓侯勞汗血。漁樵做話說。千古漢三傑。想著雲外青山。納了腰間金印。伴赤松子歸去也。

那老子覷功名如夢蝶。五斗米腰懶折。百里侯心便捨。十年事可嗟。九日酒須賒。種著三徑黃花。栽著五株楊柳。望東籬歸去也。

折桂令

鈔本原載卷之四
貫酸齋樂府後

竹夫人

湘妃應是前身。不記何年。封號封秦。萬古虛心。百年
貞節。一世故人。剖蒼壁寒凝淚痕。挽潛蛟巧結香紋。
侍枕知恩。入夢無春。兩腋清風。一枕行雲。第三句鈔
本原作封

號□秦。茲從太平樂府樂府六句作
幾世故人。八句攙作挽末句一作滿

朝天子

鈔本原載卷之四。吳克齋樂府後

失題

裏湖。外湖。無處是無春處。真山真水真畫圖。一片玲
瓏玉。宜酒宜詩。宜晴宜雨。銷金鍋。錦繡窟。老蘇。老逋。
楊柳堤。梅花墓。逋上鈔本原無老
字。據太平樂府補

錢子雲樂府

清江引

失題

四首

夢回晝長簾半捲。門掩茶蘼院。蛛絲掛柳棉。燕嘴粘花片。啼鶯一聲春去遠。

高歌一壺新釀酒。睡足蜂衙後。雲深鶴夢寒。石老松花瘦。不如五株門外柳。

春歸牡丹花下土。唱徹鶯啼序。戴勝雨餘桑。謝豹煙

中樹。人困晝長深院宇。

因字應作平聲
疑是閑字之誤

恩情已隨紈扇歇。攢到愁時節。梧桐一葉秋。砧杵千家月。多的是幾聲兒簷外鐵。

馬致遠樂府

撥不斷

失題

菊花開。正歸來。做伴的虎溪僧。鶴林友。龍山客。似杜
工部陶淵明。李太白。有洞庭柑。東洋酒。西湖蟹。道與
三閭休怪。陽春白雪三句無做字的字。五句無有字。道與二字作咬楚二字。

周仲彬樂府

清江引

詠笑靨兒

一窩粉香堪愛惜。近眼花將墜。添他百媚生。動我千金費。春風小桃初破蕊。

慶東原

失題

閑評論。猛三思想海神廟。錯斷了喬公事。只合賺他。每燒錢裂紙。只合任他。每焚香扣齒。不合信他。每插

狀稱詞人都說桂英癡。只我道王魁是。

一半兒

失題 二首

多承蘇氏肯憐才。終是雙生不在□。羞禁嫵嫵掩面
色。耍開懷。一半兒殃及一半兒買。

寫愁詞賦自傷悲。傳恨琵琶人共知。司馬哭痛如商
婦泣。淚沾衣。一半兒纔乾一半兒濕。

落梅風

失題 六首

眉間恨。心上苦。口難言把脚根兒分付。烏靴上平痕
鞋下土。忍輕將袖□兒擲去。擲字待校疑是措字。

樓臺小。風味佳。動新愁雨初風乍。知不知對春思念
他。倚闌干海棠花下。

新秋夜微醉時。月明中倚闌獨自吟。成幾聯腸斷詩。說不盡滿懷心事。

鸞凰配。鶯燕約。感蕭娘肯憐才貌。除琴劍又別無珍共寶。只一片至誠心。要也不要。

風流士年少。客花無名帽。簷羞戴。新來頗覺略分外。相思病等閑不害。鈔本戴原作帶

乾坤內。山共水。論風流古杭爲最。北高峯離不得二三里。回頭看鏤金鋪翠。鈔本鏤原作縷

叨叨令

自歎二首

築牆的曾入高宗夢。釣魚的也應飛熊夢。受貧的是箇淒涼夢。做官的是箇榮華夢。笑煞人也末哥。笑煞人也末哥。夢中又說人間夢。

去年今日題詩處。佳人才子相逢處。世間多少傷心處。人面不知歸何處。望不見也末哥。望不見也末哥。綠窗空對花深處。

四景

首二

春尋芳竹塢花溪邊醉。夏乘舟柳岸蓮塘上醉。秋登高菊徑楓林下醉。冬藏鉤暖閣紅爐前醉。快活也末哥。快活也末哥。四時風月皆宜醉。

桃花開院宇中歡歡喜喜醉。芰荷香池沼邊朝朝日日醉。金菊濃籬落畔醺醺沉沉醉。蠟梅芳庾嶺前來來往往醉。醉來也末哥。醉來也末哥。醉兒醒醒兒醉。

失題

嗚呀呀塞雁空中叫。普簌簌禁鼓樓頭報。浙零零疎雨窗間哨。吉丁當鐵馬簷前鬧。睡不著也末哥。睡不

著也末哥。縱然有夢還驚覺。

悲秋

叮叮噹噹鐵馬兒。乞留玎琅鬧。啾啾唧唧蛭蛭兒。依
柔依然叫滴滴。點點細雨兒。浙溜浙零哨。蕭蕭灑灑
梧葉兒。失流疎刺落。睡不著也末哥。睡不著也末哥。
孤孤另另單枕上。迷颺模登靠。

時新樂

失題

五首

千里獨行關大王。私下三關楊六郎。張飛忒煞強。諸
葛軍師賽張良。暗想這場張飛莽撞。大鬧臥龍岡。大
鬧臥龍岡。

金粧寶劍藏龍口。玉帶紅絨皇宣授。男兒得志秋旌
旗影裏驟驊騮。滿斟玉甌。笙歌齊奏。喧滿鳳凰樓。喧

滿鳳凰樓。

人活百歲七十稀。百歲光陰能幾日。光陰積漸催穿
了喫了。是便宜。唱著舞著終日沉醉。不飲是呆癡。不
飲是呆癡。

迓鼓童童。篋篷下。數箇神翁。年高大。糲糕著手拿。磁
甌瓦帶。渾淖鋪下板。踏蘿蔔兩把。鹽醬蘸梢瓜。鹽醬

蘸梢瓜。

瓦字待校

霎時相見。便留戀。俊俏龐兒。少曾見。一朵白玉蓮。端
端正正。在湖邊。細看可憐。香風拂面。真乃是前緣。

折桂令

鈔本原載卷之四
貫酸齋樂府後

過多景樓

滔滔春水東流。天闊雲閑。樹渺禽幽。山遠橫眉。波平
消雪。月缺沉鉤。桃蕊紅粧渡口。梨花白點江頭。何處

離愁。人別層樓。我宿孤舟。

詠蟠梅

梨雲旋遶東風。誰屈冰梢。怪壓蒼松。綠萼含香。枯根層結。春信重封。清味遠嫌蝶妬。蜂老枝寒。舞鳳蟠龍。夜月朦朧。疏蕊縱橫。瘦影交加。碎玉玲瓏。

二色鞋兒

輕搖環珮。丁東半露新荷。半掩芙蓉。花柳些些。霞綃點點。錦翠弓弓。綠綾扇輕拈。落紅。茜蘿尖微印。苔蹤。心恨難通。裙底鴛鴦。出落雌雄。

水仙子

鈔本原載卷之四王仲元江兒水後水仙子三字下原列周仲彬之名

賦婦人染紅指甲

鳳華香染水晶寒。碎擊珊瑚玉筍間。想別離。拄齒應長歎。汚檀脂數點斑。記歸期。刻損朱闌。錦瑟弦重按。

楊家花未殘。爲何人血淚偷彈。鈔本於詞後又注周仲彬三字。

柔黃春筍蘸丹砂。膩骨凝脂貼絳紗。多應泣血淹羅

帕。灑簣簪蘂素甲。抹胭脂誤染冰楂。橫象管跳紅玉

理箏絃點落花。輕招碎殘霞。

丹楓軟玉筍梢扶。猩血春葱指上塗。偷研點易朱砂

露。蘸冰痕書絳符。摘蟾宮丹桂扶疎。漸醉甲霞生暈。

碾秋礫瓊素舉。夾竹桃香符。末句待校。以上三首聯列。據調名下有周仲

彬之名。三首宜皆爲周作。但據第一首詞後又注周仲彬三字。而次首三首不注。則次首三首又似非周

作。特三首以下。原鈔本適闕半頁。後詞有無別注姓名者。不得而知。是次首三首究屬誰作。尚待校訂也。

寨兒令 鈔本原載卷之四 吳克齋樂府後

佳人送別 十首

鴛鴦共棲。鸞鳳相配。夜夜同衾。朝朝同樂。步步相隨。

猛可分鳳鞋。剖鸞釵。薄情自來年少客。義斷恩乖。雨

冷雲埋癡意。尚憐才。風不定。花落閑階。雲不蔽。月滿樓臺。燕歸也。人未歸。雁來也。信慳來。才不得。休約到海棠開。

末句待校十首中之一字韻鈔本原皆作小字偏行

彈玉指。覷腰肢。想前生。欠他憔悴死。錦帳琴瑟。羅帕胭脂。只落得。害相思。曾約在。桃李開時。到今日。楊柳垂絲。假題情。絕句詩。虛寫恨。斷腸詞。嗤。都扯做。紙條兒。

鸞枕孤。鳳衾餘。愁心碎。時窗外雨。漏斷銅壺香冷。重爐寶帳。暗流蘇。情不已。心在天隅。魂欲離。夢不華胥。西風征雁遠。湘水錦鱗無。吁。誰寄斷腸書。

蟾影邊。鳳臺前。簫聲爲誰天外遠。軟枕情牽。倚檻無言。血淚灑寒煙。自薄情。別後經年。想嫦娥。不念孤眠。葡萄架。梧葉井。楊柳院。海棠軒。天陡恁。月兒圓。